

鹿
裘
石
室
集

鹿裘石室集目錄卷一

卷第一

文

書牘

奉少司馬汪公

答龍使君

答蹇使君

奉安福劉司理先生

與龍身之使君

與湯義叔

簡子登廷承

報朱重慶

答歐楨伯

與殷無美

奉荅許太常公

與行素宗丈

與沈仕甫

與華廣文明伯

報朱信夫

奉唐外舅

與朱重慶

與沈君典

荅灌甫中尉

奉李符卿公伯承

荅子登明府兄

報趙憲使

與田子莚廣文

又

荅吳虎臣

荅嚴禮衡少叅

又

荅歐楨伯

荅池州郭使君

荅龍使君

又

荅王仲房

奉朱憲使

荅馮憲使

又

荅施克平

荅龍使君

荅陳御史

荅吳汝州

寄朱使君

卷第二

與陳御史

答上虞葛仲韜

答邵長孺

報徐選君

與歐楨伯

與姜戶部

答楊司理

與叔箕

又

又

報周國雍司封

答陳博士

報龍使君

奉陳德基明府

與吳比部

奉汪司馬

奉前郡守陳公

答沈徵甫銓部

答方山人

與潘桐源

與陳定菴

與友人

與史職方

與田子藝

與潘理官子會

與徐蘄州

答姚國瑞先生

與馮方伯

與朱比部

答管彥懷

報蹇督學

與寧國令公

答屠長卿

與湯義仍

卷第三

與黃侍御

與郭池州

代伎賈鳳遺子馬

荅吳汝州

荅王汝中先生

荅子登兄汜水

荅西亭中尉

與仲舉弟

又

荅汪仲嘉

荅張僉憲

與王長卿

與劉長欽大理

荅陸無從

荅李臨淮

與松江徐司理

荅王長公元美

與沈箕仲法曹

荅麻十洲戶曹

荅廖太公

與麻戶曹

荅新安高使君

奉蹇大中丞

與林憲使

荅汪仲淹

與詹侍御

又

又

荅周使君國雍

與張侍御

與朱方伯

荅桐陵余初伯聿雲

荅俞分水

卷第四

荅湯義仍

荅黎瑤石少叅

與蹇學憲山東

月
牙
不
金
二
金
答君典太史

與沈吏部

與周吏部

與葉司諫

奉左方伯馮公

答君典

與史仲弢

又

又

荅湯義仍

荅沈徵甫吏部

荅潘子會理官

荅汪子建

荅汪仲淹

荅張幼于

貽吾宗諸子

與吳比部

荅盧明府

與龍使君

又

與林元和庫部

荅姚武岡師

荅倉院張公

又

與歐楨伯水部

與沈君典致詹令公

奉左司馬汪公

荅池州郭使君

與周順慶

荅張伯起

與黃使君

報李符卿伯承

與詹侍御

荅郝南陵

荅蹇督學

與麻十洲

卷第五
荅弟台

與季豹

卷第五

與杭州姜使君

荅仲舉弟

與史仲弢

荅王對滄按察

與龍司理

與建昌周兵使

荅余聿雲

與湯義仍太常

與周公瑕

與張幼于

與王百穀

與毛豹孫

與汪子建

與沈伯宏

與汪原啟

與王德操

與徐方伯

與廬州王使君

荅張侍御

荅周國雍憲使

又

與盛復如

與張左虞將軍

與成貞菴

與岳令希伯

荅鄧孺孖

又

與馮元敏學憲

荅仲舉弟

又

與周帥敬

與梁伯龍

荅汪仲淹

與章元禮明府

荅貴陽朱秉器方伯

荅呂玉繩

又

又

又

又

卷第六

荅麻十洲戶曹

又

與史司馬

又

與姜使君

與周元孚戶曹

荅張憲使

與岳旌德希伯

又

荅張伯起

與蹇理菴觀察

又

荅開府蹇公

與李臨淮惟寅

與殷夷陵開美

荅余聿雲

荅汪原啓

荅丁休寧元甫

與龍君善

與湯義仍祠部

與韓錫孺

與李默吾水部

荅徐別駕

荅屠長卿

與張侍御

荅余初伯

與吳中寰督學

與陳戶曹

與郭青螺大叅

又

與呂玉繩文選

荅王百穀

荅汪仲淹

荅姚先生真定

卷第七

與蕭太公

又

與吳郡丞

與朱司理

與劉令公

與徐少司馬

答許彥貞鄒平

與太常張公

答王使君

答朱中丞

與鄒考功

與湯義仍

荅徐孺旭

荅楊世叔

與吳郡丞

與蕭府君

荅夏雲父

荅吳使君

與鄒彥吉學憲

與蘇州沈郡丞

與史平陽

與陶懋中使君

與河間王使君

奉汪司馬

荅寧國陶明府

與沈郡丞

與陳郡丞

奉王觀察

與陳令公

與長沙呂別駕

荅顧廣文

又

又

荅陳德基戶曹

又

卷第八

荅屠長卿

又

荅朱修吾

荅馮琢吾

荅蹇督府

荅張伯誨

荅黃慎軒太史

荅蕭司成師

荅大司空曾公

與黃慎軒

又

荅鄒考功

又

荅何稚孝比部

荅蹇開府

荅申敬中兵部

荅周京兆

荅申美中

荅吳光祿

與韓君陳

荅孝豐吳翁升

與湯義仍

與許彥貞

荅鄔汝翼

與麻十洲

與馮開之司成

又

荅姚敘卿使君

荅張二府

荅程照府

荅蕭府君

又

與蘇州徐二守

與傅伯俊武選

荅茅雅脩

與江陵張中丞

與陶明府

與龍君御

卷第九

上元輔太原相公

荅汪子建

與鄭誠軒戶部

荅王百穀

荅吳臨川體中

與劉子威侍御

荅湯義仍

與叔愷叔

荅竹居殿下

荅佘聿雲

荅尹令公

荅許民部

荅曹子念

與顧道行學使

與周國雍大叅

荅楊道行職方

與劉子威侍御

荅亭州王元禎

荅謝耳伯

與季方叔

荅司功叔

荅旌德蘇明府

荅謝友可大行

與呂玉繩

荅劉子威先生

與許彥貞

荅韓君陳

又

又

卷第十

奉荅申相公

與麻十洲

又

與葉戶部

荅茅孝若

荅王郡丞

又

荅屠長卿

荅王恒叔臚卿

荅王公子昭文

與方建元

與桐廬趙孝廉

與劉季然

荅丁秘書長孺

荅周慶叔

荅周有之京兆

與余初伯

與余聿雲

荅韓君陳

荅郎元白

荅王少齋

與三懷師

與張大來

與王昭文

與呂玉繩

又

又

荅湯嘉賓

與湯義仍

與季方四叔

又

荅楊道行職方

與春寰六叔

又

與維縣張明府

與傅重慶

與蹇大中丞

荅姚叔度

與王玉洞郡丞

奉陳公溫州

荅季方四叔

荅無爲守李二溟

荅張伯大侍御

又

荅張比孟

荅韓君陳

荅王昭文

荅方伯文明府

又

荅尹令公

與韓壁哉

荅湯義仍

荅謝耳伯

荅郭汾原學使

奉荅南太宰曾公

奉朱侍御

與張侍御

與尹令公

與春麓五叔

荅雪浪恩公

荅守心叔

荅吳繼疎吏部

荅余君房太常

荅方伯文

又

荅何仁仲別駕

荅季方叔

與高孝徵

荅少司空徐公

荅余聿雲

卷第十二

與李二溟學憲

與陳錫玄博士

荅葉一之廣文

荅祁爾光明府

荅楊四尊

又

荅吳本如大叅

與鄒彥吉大叅

與尹且孺

又

荅王玉里

荅王文學

與徐少司空

與李季宣

與龍君善憲使

荅劉尹公

荅劉元弼

荅唐君湜

與韓君陳

又

荅許靈長明府

與焦弱侯太史

又

復蔡拱所

荅汪無如

與韓璧哉少叅

荅項仲旭

荅文起弟

荅寧國陳令君

荅梁三尊

與許道甫吏部

與梁三府

荅張侍御伯大

荅管涵虛

荅吳本如方伯

荅侯叅軍

荅鏡水叔

荅陸君啓進士

荅公衍弟

荅蕪湖張公等

卷第十三

與王百穀

荅廣德邵使君

荅葉順義

荅何令公

與張生洲

與吳本如憲長

荅王元禎

又

荅金兵尊

唐荅潘景升

荅張範之

荅張紹和

荅王昭文

又

荅楊使君太原

奉金兵尊

又

又

又

荅許靈長

荅李廣文

荅管侍御

荅湯義仍

又

荅棲霞通公

荅鮑令君

與龍君善憲使

與唐君平

與趙仁夫廷評

荅蘊璞

與韓君陳

又

卷第十四

啓

上江陵張相公

上蒲州張相公

上申相公

又

壽申相公

上許相公

又

又

壽許相公

上山西王相公

上太倉王相公

又

壽翁尚書

賀大冢宰宋公

上山東楊冢宰

上沈大宗伯

又

上某司馬

荅邵中丞

中秋請按臺

卷第十五

元宵宴楊給諫

餞楊給諫

請楊給諫

又

賀鄒學使

與焦弱侯太史

奉大廷尉蹇公

奉蹇督府

奉南太宰曾公

奉南少宰九我李公

荅陳學臺

賀陳學臺遷太僕

慰黃學臺

奉方侍御

賀新都梁太府

請蕭郡公

請金太公

請某公

請尹令公

先大夫從祀文成祠請尹令公

嫂劉氏建旌節坊請郡公

請鮑令公

壽時甫叔

麻宅聘啓

韓宅聘啓

韓宅大禮啓

鹿裘石室集目錄卷一終
徐宅聘孫女回啓

代聘啓

又

代壽某

鹿裘石室集目錄卷一終

鹿裘石室集卷第一

宣城梅鼎祚禹金著

同邑湯賓尹嘉賓訂

文

書牘

奉少司馬汪公

不佞鼎宛上一孺子也明公光照四隅驅役千古孺子忝明公枌榆之末二仲才足當兩謝又幸愛鼎而長者襟負江海藏疾內流輒已屬耳

政可攀寅門下托音九臯廼誼亾引嫌坐自絕
於長者將安所傳其臯虘鼎淪落無奇特其人
天殖疎伉多憤恨不樂世罔誦說之心浸淫成
癖明公締盟玄時縣書國門奉以回環嚴若功
令顧洸洋洋淼淼莫竟涯涘卽家大夫日加督過
前不踰舍爾髮長近壯進有狐涉之憂處亾羽
儀之吉左顧右卻失其據矣黃白間頗著靈異
則猶獨著乎明公青牛在御出關可期鼎祚愿
三吐其腸澡雪塵土敢受五千文于綏人之右

答龍使君

御者愛至矣不佞所欲周還左右也廼輒自遠
去此其有大不可强者乎負此夙忱良恨良恨
入山箕踞長松平頭奴搖大扇酌清泉一沁塵
土腸胃間一御酒獨殷殷念君揚不寘聳部使
者平善不燥不濕則我公調劑之也齊景公飲
而遺冠晏子風令廣振貸民歌之曰公何不復
遺其冠乎公挾狂士時時一觴顧所適若爾六
邑人當更願龍使君日坐酒甕中矣近兩足創

甚蹇而見使者遡瞻清光星月在天不可仰卽

答蹇使君

世不乏顯人也往門下建牙列戟卽未足重門
下然亦至貴倨矣江左賤士九牛一毛何足填
公白眼而若悞有當于執事者之心漏水半沉
華槭飛錫興言夙駕尺一西馳翩翩乎盛藻雪
嶺蛾眉千秋秀絕天逸閣了自不俗登高而賦
不得拜大夫下風所爲寵臨之者大乎比月下
醉龍使君所酒人狂態不減什一但恨座少荆

高擊筑變徵良亦寡和桃川有好山水不有可
與譚者不綏人湍發汗濡如雨不斐不莊公其
殷殷念我不

奉安福劉司理先生

先生持憲高州時家外舅守雷陽嘗一寓書下
執事執事先是有匍匐之難緘之西反疇昔知
遇載在此心曷有已已廼先生陳情善養子舍
依依殆於浮名如棄芻狗忱有鏡於失得之林
而善權乎內外之介者哉鼎祚自勝冠去先生

左右將十載于茲而受餽學宮者亦且八載凡
四應有司之求四不見售未敢謂匹夫其皐在
懷璧也以先生之靈頗嚮邇斯文鳩其放佚博
其歸趣卽不佞猶足詠先王之風而備幽人之
吉夫君子不以無財爲貧無位爲賤先生玄覽
一世高步千古豈其鼎祚故貧與賤也世方波
靡欲濟而徒切望洋尚沒身夫子之道爾何能
請息焉鼎不佞稽首皇恐

與龍身之使君

鼎不佞少而亡奇亡佗腸亦亡敢虛其色相以
侮弄當世其于當世學士大夫固願從之游惟
天植其性不能啗嘿陰重詞人言色及磬折蒲
伏求適於時好以故僻居而簡出卽學士大夫
愿從不佞游若傲若怯引辟不勝彼其中蓋有
所自財也往繇雕蟲之伎受知銅梁張中丞而
明公謨自中丞公得不佞郡檄未下車騎已儼
然臨之敬亭宛句一日而醉二參履舄交錯絲
肉迭奏吐衲不怒角韻稱奇夫膠序中盡陳人

也然又不乏貴人明公不居其貴人而不佞覆
木以陳人誦此不謂事有互用而道有兼成哉
蟪蛄之靈生平鄉往安能斯須釋于裏入春家
變相循未兄淪沒故園花鳥並愁具矣稍俟痛
定便可御風而行執事者當張鈞天之廣樂指
大江爲酒池更令管城君百輩坐石上待我比
且驅車赴汪司馬新都縱蹟在黃白間爾公儻
念我其東望紫氣而候我虜關上

與湯義叔

僕淪落甚惟有一笑家具負郭之資無櫻於外
無繫於內青箱亡恙與蠹爲朋十年之後有以
不朽小兒號嗷今都棄置不理也義叔才高努
力取一第一第政何足槩義未愿益游心先古
勒成一家其言闡緩澁憑不雅馴者卽罷去亡
以夏后氏之璜自免鬼瞰高明容容后福所望
省缺汙之戒恢樸茂之懷相見未期加餐自愛
傳上別紙在金陵作得贈義未內妾詩義未雅
知僕僕轂音序義未當重爲之附君典來疇昔

周還睂睂眉睫千里數行可勝恓邑

簡子登廷承

以不佞二三兄弟也何嘗後眄睠於不佞哉廼
所列相知之貴剏尚二足下其人不佞動麗俗
累儻立亡儔二足下偈偈焉揭於衆顧或芻狗
時名妄圖大業輒覆擊節而游揚之不羣耳食
非貴在相知心者虜不佞安所用報稱也比奉
原泉若先譜叙誦之附髀爵躍子和在陰夫入
郢而不見冥山固北面遠爾卽藍田之役金鼓

從天前事制人多算者勝河清難竢人壽幾何
惟足下兼程而赴秉羽同登毋爲夸毗者所笑
自不佞屬以報稱左右矣秋色淒然蓬心未謝
伏枕夜長伊誰把苦短律附申薄款副墨子其
惠存焉

報朱重慶

三年得兩把公劄回環竟日一字一歎蟄于泥
沙髮長心短疇昔周旋如在夢寐蓋深念故人
念我深矣昔賢以杜工部詩工于入夔卽工部

亦自稱晚節于詩律細云故人五馬良多雅步
下里巴人其和彌寡豈蜀之山川秀映政足助
人詩懷不爾郁木生之吟抑何其縣縉篤至愈
詣愈玄也不朽之業是在使君世有子雲奚必
藏之名山然後爲快行年與化此道維然不佞
第操簡以俟它固無能爲役矣

答歐楨伯

齒在舞象輒承五嶺之區有楨伯先生亡何從
汪司馬謫輶中集叙並讀其集于白下二三子

渢渢乎清穆之音乎不佞勝冠有年峯寄可笑
祝嘏而不善似何敢以穀音托之九臯昔所稱
雖不得至心鄉往之矣倌人次我敝邑不及負
羈洩而游望氣關門占星益部其於博物君子
媿恨可言而長者寓書千里詞指溫篤重之璫
章崇其鶴息人言傾葢如故亦謂聳聲馳思此
其高雅什伯于襄爾 昭代右文蠶涌翔洽明
璣文申不乏南海馴先生哉猶 國之寶臣也
幸而生與同時終以譽命子虛大人愿爲副墨

者從事

與殷無美

無美才絕高雄眎一世不佞辟景夔立未可雁
行粵元祝秋裁一觀秦淮之上輒判袂去已三
除歲又于秦淮之上獲一觀無美又輒判袂去
廼無美殷殷盼睠謬所幸愛其曰傾蓋若故白
首爲期卽不佞有曾亡心安能不怦怦連焉
天子恢張玄化寤寐老成相君開閣延引掃門
無私以無美其才當必日侍承明賜燕閒之

對不佞故人樂其適軸賁于丘園羽用爲儀足
相輝映愿持輔仁匡義之說益無美使有以稱
主上德意不至如君房庸庸貽薄我二三兄弟
矣補得趙館一詩用訓無美其敎之不終棄我

奉答許太常公

三載來恨不肯肯奉長者周還比以仲秋之役
餐承要眇益泠然御風而游焉體中小苦馬首
亟東卽長者招搖坐相左忤其疎節已甚矣素
業散佚與世背馳辱在泥途良非不幸而長者

閔其鍛翮冀以澠池包蒙爲吉愛人無已廼不知其不可爾小人用罔多岐亡羊匍匐而歸且失故步何所稱鴻茂之襄副月旦之賞乎伏櫪千里猶有壯心敬聞讜言敢忘襟佩獻歲當叅侍門下夫瞽行剗資衆一惟所左右之清貺登嘉益之媿臯

與行素宗丈

吾鄉數千禩來文苑益太寥落矣不佞薄遊秦淮間嘗論交吳越二三子輒誇夫里有聞人南

金昆玉各貢其良不佞慚憤彌襟低回者久之
亡以報也不自權分敢先揭旗鼓雙谿疊嶂之
上願言不朽之業傳諸名山邇者涇川張應泰
敝邑沈懋學起而奉不佞爲盟主此兩生故大
有佳致益之砭劑卽引于纍黍之度亡難耳寧
陽坏土何得生行素足下哉瑤篇藻疏刮目驚
心奕奕西京之氣浹浹東海之風往不佞曾內
履左右豈覆有所謂低眉慚憤者與而吳越二
三子直駢肩而接轂也貺存清品用愜幽懷列

寘精廬注延雅况仙郎扶搖有期良晤可卜床
頭浮蟻冀與足下盡消之僕不敢稱趙公子猶
能爲高賢十日之飲矣

與沈仕甫

韓君之來也剽噴噴長者厚雅不寘其所貺詒
不佞者奉以世世寶斗酒豚蹄祝得烏邪矣頃
韓嘗期沈生過仙里不佞試事羈白門莫申臆
下執事卽執事度淵海不責報鼎不佞自處謂
何譚及汗津津霑衣也韓又語不佞青門丈秋

移棹秦淮間當望見履舄不佞日立秦淮上遲
前驅久竟不可得迺高達風神一瞻晤固自有
緣耶興盼南雲徒塵恒邑

與華廣文明伯

往從朱比部任光祿習丈人雄風然未承爲我
世講也徂秋薄游陪都辱枉軒車駢錫珍貺卽
兩左嘉晤而長者之誼則塵卷周篤矣不佞所
欲鄉往于門下蓋又已勞神也絳帷清燕副墨
可交淮水鍾山日行几上不佞亡足荷寵靈其

坐視我聾聵而寘勿問乎當必不然爾盱衡玄
訓聊飫饑腸惟覆有以下慰之金商中律或能
弭檝石城望見芝宇爲平原十日之懽邇北海
通家之好竊盛幸焉

報朱信夫

不佞之于門下宜世世講矣往大人待臯仙里
則門下自貶於負墻之儔而我伯仲又左右侍
色笑乃今卒化爲異物哉廼雄材雅修者猶陸
沉屠沽間其聚其散如秋森之激斷蓬爾而當

下執事臨敝邑省先伯仲墓草也走才離襁保
于茲髮總總矣卽亡償千金之索然已邁三抱
之期習嬾成性它亡穎出日逐隊么膺數子此
豈直貽知我者經怪故亦竊自姍愧之徂商貺
存珍藻奕奕逼人不可朽之業傳諸名山彼烜灼
乎紳佩終汶汶于林莽爾走緬惟今昔輒陳報
語惟有以申命之不佞願承下風焉

奉唐外舅

鄴都廼形勝之區河防非簿書之秩雙旌危指

眺聽俱清一榻高懸心神獨朗豈直陶嘉篇詠
增價地靈抑且寤撒性天可登聖域其鈞有以
示不肖鼎爲保訓之徵乎奉到手勅以博士家
語寔見君羔雁須罄其愚聞嘗笑此物高之於
世不合卑則顧已不能真簸弄英雄之戲具耳
然業受青衫此自常職當敬承來命低眉從二
三子矣川樓公計已上任大雅在斯伏膺有日
附錄惡詩一摺煩從者遞內記室惟轉申紆款
曲賜藻財庶亡蔽遼豕之明或不止黔驢之伎

甚幸甚幸

與朱重慶

計奉手勅於徂冬也繩檢其譽迅激其志而以
兩瑤篇見存則又若欲使夏駕不羈者反受銜
策走不佞敢不請從事焉保訓乎蜀郡之擢聞
自萬廷平廼比五馬遄發矣台望宿隆輒循恒
調寧不有積薪之喻猥瑣者流率緩頰文人徒
工纂繡寔亡核乎質行而致用則枳門下身兼
數器神游餘刃當峻樹未見之勛令此輩且辟

口而伏膺也萍跡無期芝眉漸逝須之弦浣假
節江左或能以往列攻玉立交戟左右爾敝嫺
徐使君赴成都附呈掌故西嚮可勝綢結

與沈君典

君典抱間世之鴻才哀然首大廷之對極人
生寵幸矣上下千載前有許公今有君典里中
蓋人人歆豔之僕不佞拊髀爵躍所歆豔于君
典者當不值如里中人爾君典釋其奧渫爲
明天子侍從之臣紬書石室簪筆玉堂宜博習

古今之故達會通之觀屬者登在三事恢張鴻
化當令稷契雁行蕭曹夔立千載一時亦千載
一遇敬亭宛水亡負其靈逮夫經國大業昔歸
文章君典於天性然矣登高而嘯千里響應願
益圖所爲不朽者乎僕請以近論七子中原李
王爲冠大都雄雋有餘沉婉不足瑯琊新都之
文揣摩西京緣飾諸子一剗質重而隸于法一
剗矯厲而善于通于鱗比事屬詞壹意衡古頗
亦繩枉太過矣夫左國而降道喪六朝昌黎雖

起其衰理勝相掩柳州諸記子厚奕奕逼人若
歐曾歸持近正蘇氏詭肆近情固其時錚錚者
也歌詩幽自大曆它亡接瞬王澤未墜闕典可
尋以君典其才博收而精取勇邁而異心便足
鞭策古人雄長當世矣又僕嘗所致憤于物情
而殆甚吾里者一旦出糞壤之中升雲霞之上
身未綰綬家已鳴鍾其於便利如渴赴水嗟乎
三千大界塵劫易窮高臺曲池雍門廢響孰與
夫不志溫飽鶉居而鷄歛者之一無累哉史稱

萬石君家下車而入里門伯孫貴壻拜馬伏波
床下坐而受之詩曰維桑與梓必恭敬止而近
廼有侈心抑其父事者于肩隨至其襟帶之交
者于涓盥之役亡覆有商容亟趨宋襄不禽之
遺且也以外禦其偏而內臨其倫則其于推轂
後進虛位賢已者蕩乎亡存恐非所以延有終
之譽而示廣厚也君典義甚高甚順可無煩君
典登聽而仍于左右効者以僕所嘗私計而經
怪者也君典優游歲時公孤立致惟不厭深眇

垂鑒賁濡于以彰贊雉之誼操靈龜之守世方
弟靡而事于夸毗君典勉矣僕草莽之臣也少
知肉好數奉教于君典君典之答僕也猶列眉
而好僕也不啻其口其遇僕不難執轡而周還
乎鞭弭而僕不佞用史巫之紛舍一握之笑而
將美君典者亦謂畢單其愚何君典去我乎天
上矣三旦立市人莫之知銜杯酒而道殷勤虛
色相耳比稍料理素業亡當于中辟如南轅適
燕日行日遠幸藉家世雁鶩之餘食得肆力焉

庶幾勒成一家終其令德凌波共濟必跂而望
乎後之人情也君典二三兄弟翩翩作者之場
其亦有臨風之裏乎否否

答灌甫中尉

不佞嘗誦公讌詩菟園諸賦生恨不與陳思考
王同時明德隆茂大梁之墟有賢君侯崛起其
間不佞于古亡當亡敢繩鄒枚而履應徐第令
寘在客舍尚用灑彈鋏之卑風效授簡之末役
家大夫髮且種種太夫人在堂不欲慙去左右

爾君侯寓書數千里重以瑤篇揆天之才薄雲
之誼使人銜戢不佞淪落諸生正如麋鹿入樊
長林豐草豈能一日而釋于懷昔人謂遠守劇
郡胸臆無奇今其約結覆何可語獎借過隆非
所堪任拜手嘉命敬承下風

奉李符卿公伯承

寓內作者遞起遞變遞變而遞失矣廼者北有
先生南有王大理元美主盟中原模楷後進甚
幸甚幸不佞以先生之靈猶知塵嚮斯道昔人

謂久於其事能不稍工然自媿徒淹歲月矣里
中君典以貴去袁汝鳴化爲異物亡論樹幟登
場覓一解語人了不可得爾不揣蕪詞內之記
室政如張爝火于光天加桀雁于解渤損益之
數抑何所當乎往從崔生傳門下盛旨頗有意
乎不佞儻矜其蒙昧評以數言則馬遷所稱顏
子雖賢得孔子而益彰若論衡增價中郎三都
貴紙玄晏良豈足謝千里數行曷任仰止

答子登明府兄

嗟乎二兄不肖弟稱孤矣嗟乎天乎孤誠可臯
孤亦有身割及其親孤也何心以孤平生昵好
孰如二兄卽習孤父子爲情家庭知己亦復孰
如二兄哉而二兄儼然而君百里譽命上逮高
堂垂白屹如灼如孤材性未敢望見二兄沈淪
草莽豈非其分而奈何斂吾父速必使其足無
所履口柱而不能吐邪上依衰慈下撫弱季篝
燈夜雨形影相酬而二三兄弟南北高蜚扳援
不及煢煢在疚餘息僅延嗟乎二兄祇奉教言

寸心九折矣先大夫達生歸盡精靈不爽奉來
貺而通之幽冥能無銜戢孤始理家政百冗交
侵鵠咎則無徒瞽行則恣敝惟二兄其有以惠
存之聖室荒迷語失倫次引領清光臨風雪涕

報趙憲使

明公當隆萬中爲真御史爲神明守已建牙列
戟而提衡齊魯之墟孤卽不肖亦妄意尚友千
古近而當代又近而當郡卽未望見公顏色故
用自愉快而已孤狂贛不類積釁於天迺遽有

先太中之難覲顏自廢分無敢稱人于人獨明
公不鄙垂啓而賜矜焉束帛尺書情文篤至藉
令孤生平奉劒履之役接杯酒之驩何以加此
孤且感且媿輒泣然涕下矣明公何以終教之

與田子莚廣文

自新都徂黃山翠壁丹厓飛雲濺瀑奇偉幽森
應接不暇政何異行山陰道上邪浴湯池問軒
轅氏藥鼎指點故攀髯處白龍潭氣天矯三十
六芙蓉間蓋仙仙御風而游焉恨不得與子莚

並驅爾

又

江許之役足下單詞片語以釋怨于兩強宗可不謂天下士哉今廟堂見以爲乏材而用則違材遂使志士拊膺而歎耳

答吳虎臣

不佞孤少乏酒德然好游酒人矣不工古文辭好游文辭客矣廼酒人辭客不以孤身無是也亦每從孤游卽足下過宛上時孤彊起而應足

下會足卞累中酒不肯放飲孤亦竟不能豪飲
足下也爲時幾何則儼然稱孤哉足下引誼若
翁申言襄舊季子脫劒于墓上向生感笛於山
陽蓋千秋一日矣君典前驅將至鄉往足下故
不異孤儻足下倦遊金陵以素車白馬過孤之
廬左右縶韉有君典在此生雖已號貴人尚是
吾黨狂簡也

答嚴禮衡少叅

長安故冠蓋地卒不能居一嚴公哉美服衆持

高明鬼矚三言成市積羽淪淵世情大都鹵莽
爾孤分當藿食兼幽憂之人不敢預天下事以
今日與明公地近勢親摧眉俛首孰與放浪鳬
繹之墟嫌微不及身志曲全乎至謂扶搖直上
一息六月此悠悠者所共經睹非深以槩於明
公孤愿公振策岱嶽使雲氣蕩吾胸日觀峯望
扶桑日出金銀照曜以恢天下之大觀又從海
上觀海市其城堞樓觀旌幢車馬忽而際有儻
而造無以習天下之幻境母令年少有以窺公

而已

又

夫士大夫一不得志輒深怨而極排以爲無所容非亮節也其計畫無復之耳不則不事事優游待報而謂遷人之體是選事也吳倅至述公所爲居東狀率勵于職而和平其中甚善甚善海岱之間環召且下東不得久居公矣

答歐楨伯

尺書束帛儼然下臨不孝在草土中不能蚤見

長者而廼以亡母得傲寵靈爲德甚盛繇秋而
來內外匍匐不啻七奔至於君典奄坳傷心極
矣不孝平生簡出寡交所稱知己其一君典也
其一叔氏箕則今來南遊者雖少頗瞻博賦筆
不凡五言古亦似錚錚其人則非材可愈也不
孝屬爲役於左右辟猶適齊魯者不左登岱右
涉海直汗漫耳暑劇附致白苧用見時宜

荅池州郭使君

昔者先大夫于役東土獲用其職與諸執事相

周還其時亡何良未能採絲竹之藏恢刪術之
指退滋慝矣旣以海岱之靈諸執事嚶鳴遶羽
爲光 朝宁藉逃譏于竊位冀以人而事君又
甚盛幸也若明公一旦入而稱骨鯁之臣出而
詠甘棠之伯廼所謂其隆隆者邪不孝孤不弔
於天災災餘息不厭死而已明公賜履圻南近
在宇下河潤千里每切瞻言惟是凶人姓名不
敢輒仰通長者坐自逡巡要非直引嫌而歸潔
也伏承明公存觸車之末響軫聞遂之深衷情

文並篤翰使載途登諸几筵不任摧隕固知大國之風厚自性惠小子其何以終此義焉

荅龍使君

吳虎臣遠使垂唁高義連人此生故是雋才亦有酒過正平醉輒罵坐嗣宗行哭窮途古人蓋往往有之以公汪洋雅度當能用人之瑜而略其瑕也

又

臺使者入宛遂從諸貴人游然非其好也項領

紛如令人短氣昔者之會千載一時堪以樂歎
今明公淵躍義少泥蟠舊令尹郎潛散寺皖郡
丞使爲晉陽孤且雞骨支牀厭厭意態四顧而
悲泫然泣下辱爲役兩尊人者於心終不忘少
需圖報海內窮士多歸明公明公請謝不倦筦
庫爲虛大希闊事一詩錄扇頭奉以出入其氣
大都僚蕭矣

荅王仲房

辱諭孤勿于座中肆謔君典足下愛孤迺令孤

聞此言然君典與孤非今世交居約時頗習于
謔卽君典今貴固疇昔君典也人自敬丞相長
史耳獨孤於座上能謔君典君典能受謔政猶
王生結襪廷尉長孺長揖大將軍衆人但當臯
孤以賢君典何疑之有足下誠愛孤似未登君
典矣

奉朱憲使

明公入大梁也攬轡之暇周矚川原宏暢風詠
當令枚馬失步河岳效靈矣嵩峰二室之神頗

月卿平鼎祚丹崖綠嶂盟言尚溫唐大叅者是
孤夕汝州詔相是孤友汜水令一科是孤
族兄以明公列戟其上使孤杖馬簪而北可不
謂陸生入洛司馬游梁哉廬次逡巡臥病者半
每惟茲意恐終不遂耳

答馮憲使

天爲我國家賚此良弼藉手先人不介而合
以申竹箭之貢叶茅彙之占先人有天幸焉于
以顯以人之義博上賞之名顧明公之繇稱報

者抑何其隆隆至篤哉蓋先人投効未幾而館人所歷孔邇枌榆未幾而專征之鉞儼然于上又未幾先人已矣垂寵執紼之謳益重稅驂之賻是先人所致于明公者第循其分爾而生死爲惠固自明公終始之孤不肖狂簡失裁于時濩落居嘗竊用媮快則以家庭父子知己互驩鼓舞于喁直門內事今且不弔于天矣奉諱以來上依衰慈下撫弱季營魂至曙抱影立枯卽彊莖生存而寔從死伍也兼以少習書淫短于

酬世授之筭子不知縱橫人或采其虛聲謬有
徵及一經掇管見斂催租將世雕龍之謂何而
曰象賢之大者乎每奉先人自誅之末章若明
公與共圖之者輒腐心刺骨媿汗接踵而淚承
睫下不已也我生有命在天富貴非可力致矣
其有不潛心大業而砥厲志行者有如皎日是
怙是恃惟明公儻以必不肖而是棄是寘也亦
惟明公前月下浣始承開府之期已而冬乘春
令欬逆浹旬先集副墨趣得什九敬馳一力于

臺端者逡巡坐此屬不自茹乞靈雄序飾華首
簡庶幾標秉當年鏗鏘異代太玄假桓譚以示
遠三都緣皇甫而增賈不肖孤不勝大願

又

往明公攬轡而西所爲孟下之覆而榮施孤家
者何可指數又圖不朽于先集儼然以大序開
之使不類之子稍得傳童烏之預玄則何以稱
也大序莊誦回環幽深篤至古色希聲以今祭
戟森嚴訊牒旁午有是哉卽左右鞭弭周示上

國當悉敝賦以從明公故兼總並用終不欲示
偏長爾孤始懼大難竊計幽憂之暇庶幾補則
息黔而及君典南還其人可與語揚扅今古亦
有少助何彼苦名高爲富貴人所斂飯沐不皇
孤卽賤且日作牛馬走遂令此意竟爾失酬明
公以兩生振起風雅爲之媮快蓋益中媿矣

答施克平

我先大夫亡恙也蓋嘗咨咨稱足下白眉云袁
汝鳴則束髮已與之游君典年家子隸門下又

孤所暱友亦幾何時而死生貴賤無異蓬飛輒
爾星散北斗之籍今且次先大夫矣孤狂贛錯
迂罪在勿赦顧安所逃其筭而于先大夫波及
邪此孤卽百死不足償復不可自解于司命者
也歲律倏周儀音漸逝聖室煢煢日惟眼淚洗
面而已手勅惠存旋誦旋泣益之嘉貺銜戢云
何

答龍使君

當侍先大夫請攝也則門下所爲地主禮備矣

惘然心目曷敢有遺而間者亡何竟麗大故扳
號摧裂從死末繇比忽襄事在期彊延餘息圖
効其終然已厭厭無復人理廼大人長者不醒
于懷奉將隆貺仰辱嘉章磊磊千言周篤排惻
以孤不肖之身而先大夫不啻席數世之好何
以得此門下哉感當次骨痛欲腐心籌狂懲誓
涕流踵下惟先大夫精爽是依不孝孤未先朝
露寵光并及稱塞無能愿徼所不報者于天而
已草土荒迷申謝不次

答陳御史

當使者持斧而南先大夫一覲顏色于時外交
廢絕以陳公所嘗概于中廼自力疾非第以肺
附親也已就醫蕪陰歸凡閱月而罹大故嗟乎
不孝孤可罪擢髮而數百死何辭顧割及先大
夫哉嗟乎陳公孤少狂不類亡能爲報于其親
此陳公所習也卽不肖或有偏長庶幾父書萬
卷不失稱大夫之子亦陳公所習也至寶不飾
太音希聲耳目淆錯誰則辨焉公雅好孤其圖

所以濯之清，
其窈奧也乎辦香束帛稽
首奉將先大夫精爽是依敢忘靈寵濡毫勒謝
南鄉漣如

答吳汝州

居諸不待秋老矣廷承今作吏不免折腰苦爾
孤日在牛馬走中境外之交日以廣體日以屈
豪氣都盡向廷承道之當發一浩嘆也臬中朱
憲使是孤金陵社中人比從汜水兄舍人附一
書四詩並薦廷承此君長者知廷承州境在遠

無益事聊以明孤之心矣見委壽章孤所宿諱
不得已爲廷承破例殊不工然壽章卽名家亦
不得工惟廷承財擇

寄朱使君

中春從君典奉使君手書教以近製諷之泠泠
已輒惘惘蓋頗厯今昔之感徐成都遷矣謂聞
問且無從也廼復有敝嫗爲使君部內吏得再
申訊下執事豈非天之所造哉不佞近狀益落
益醜此道益進益難屬者多病藥餌不皇木葉

欲飛始領秋色楮墨如遺逡巡自廢奈何鄉故人陳之徐簿世嫺其人敦樸必無敗乃公萬里一官重繭而至卽不敢以不佞徼私惠于君子惟執事者稍善遇焉下里之音雜出勞苦不足稱和陽春政可堇伍巴人耳西詹蜀道難于登天把手未緣搖心何似